



Republika e Kosovës
Republika Kosova
Republic of Kosovo



REPUBLIKA E KOSOVËS/REPUBLIKA KOSOVA/REPUBLIC OF KOSOVO
KUVENDI KOMUNAL/ASSEMBLY OF MUNICIPALITY/SKUPSTINA OPŠTINE
SKENDERAJ
Nr. 04-060/01-0023970/24
Data 22-05-2024



Komuna Skenderaj
Opština Skenderaj
Municipality Skenderaj

Kuvendi i Komunës/Skupština Opštine/Municipality of Assembly

Në bazë të nenit 49, të Ligjit për vetëqeverisje lokale nr. 03/L-040, të Republikës së Kosovës, si dhe nenit 43 të Statutit të Komunës së Skenderajt Nr.01-I 10-385, të datës 03.12.2008, si dhe Rregulloren e Punës së Kuvendit nenit 27, e në pajtim me rregullat e procedurës.

Ekstrakt nga procesverbali i MBLEDHJES SË KUVENDIT KOMUNAL SKENDERAJ,
i datës 30.04.2024, ora 13:00.

Në këtë mbledhje janë diskutuar këto pika:

1. Fjala hyrëse;
2. Miratimi i rendit të ditës;
3. Shqyrtimi i procesverbalit nga mbledhja e kaluara;
4. Shqyrtimi i Raportit financiar tremujore, Janar-Mars 2024, me Nr. 02-052/01-0018545/24, të datës 15.04.2024, (Raporton drejtori i DBF-së, **z. Ismet Aliu**);
5. Informatë lidhur me bursat për studentë, për vitin shkollor 2023/2024, nga Drejtoria e Arsimit, me Nr.07-670/01-0018899/24, të datës 16.04.2024, (Raporton drejtori DKA-së, **z. Kastriot Duraku**);
6. Informatë mbi gjendjen e banimit social në komunën e Skenderajt në periudhën Janar-2023, Mars-2024, me Nr.08-360/01-0019827/24, të datës 22.04.2024, (Raporton drejtoresha e DShMS-së, **znj. Rrezarta Hasani-Ibrahimi**);
7. Pyetjet e këshilltarëve nën pikat të ndryshme.

Kryesuesja e Kuvendit, znj. Adelina Spahiu: I nderuar kryetar i komunës z. Fadil Nura, të nderuar anëtar të kuvendit, drejtor të drejtorive, shoqëri civile dhe gjithë ju të pranishëm, Kjo seancë është thirrur në ora 10:00, po është shtyre për ora 13:00, për arsye të përvjetorit të Ilaz Kodrës. Shkojmë në konstatime të kuoromit në sallë janë 28 anëtar, mungon me arsye Nexhat Ahmeti dhe Osman Smajli, ndërsa mungon pa arsye Arjeta Rama.

Para se të fillojmë me punimet e kësaj seance, kërkoj ta nderoj me një (1) minutë heshtje shënimin e 25 vjetorit të sakrificës të heroit Ilaz Kodres, dhe 315 dëshmorëve dhe martirëve tjerë të renë me 30 prill 1999, ...LAVDI...

Shkojmë me miratimin e rendit të ditës, e hap debatin, fjalën ja kalojë:

Hysni Mehani-VV: Fjala përshëndetëse, nuk po e shoh drejtorin e bujqësisë Behxhet Maliqi, nuk e di a është këtu, po ajo që është e nevojshme prej ti është me pas një raportim për drejtorin e bujqësisë, nëse sot nuk mundet me na sjell një raport, në seancën e kaluar me na sjellë, së unë po provoj me hulumtua një situatë që ka të bëjë me grandet me subvencionet në bujqësi dhe kërkesa për qasje në dokumente zyrtare po me mënjanohet vazhdimisht po shkon deri në ditën e fundit, pra letë vjen këtu drejtori e të debatojmë për shkeljet që është tu i bë? Tjetra 30 prilli së cili prej neve e kemi përjetua, edhe ish kanë dashur për shkak të rrethanave mos me u thirr kjo seancë, po me qenë së është thirr po vazhdojmë, po ti keni parasysh këto data, së për besë nuk munden me qenë të zakonshme.

Kryesuesja: Fjalën ja kaloj:

Kryetari të Komunës, Fadil Nura: Fjala përshëndetëse, sa i përket kërkesës, për sjelljen e raportit të drejtori të bujqësisë, unë e di që e keni një plan punës të kuvendit, që është i miratuare

në këtë kuvend, ku parashihen raportet, informatat e çdo drejtorie, po si do që të jetë raportin e drejtorit të bujqësisë në seancën e ardhshme mundeni me pas në seancë me i diskutua çështjet që ju i vlerësoni të nevojshme, drejtori i bujqësisë sot nuk ka ardhur në seancë me leje për arsye të angazhimeve.

Kryesuesja; Dikush tjetër nëse nuk ka, konstatojmë me (18) vota për, (0) kundër dhe (7) abstenim, Miratohet Rendi i Ditës.

Vazhdojmë me piken 3 të rendit të ditës,

Shqyrtimi i procesverbalit nga mbledhja e kaluara, e hapë debatin, nëse nuk ka konstatoj me (28) vota për, (0) kundër dhe (0) abstenim, miratohet procesverbali nga mbledhja e kaluar.

Vazhdojmë me piken 4 të rendit të ditës,

Shqyrtimi i raportit financiar tremujore, Janar-Mars 2024, me Nr. 02-052/01-0018545/24, të datës 15.04.2024, (Raporton);

Drejtori i DBF-së Ismet Aliu; Fjala përshëndetëse, para vetes e keni Raportit financiar tremujore, Janar-Mars 2024, ky është raporti i parë i rregullt për këtë vit sipas legjislacionit në fuqi, që paraqet të gjitha të hyrat dhe shpenzimet për këtë tre muajorë. Buxheti fillestarë është 18,582,310.00€, ky buxhete për momentin nuk ka pësuar ndryshime. Buxheti është shpenzuar për këtë tre muaj me 26.52%, në Paga shtesë 24.90%, Mallra dhe shërbime 29.05%, Shërbime Komunale 28.12%, Subvencione 24.20%, dhe Investime Kapitale 29.48%. Të hyrat vetanake kanë arritur në shumë 305,958.37€, me 23.55%, nga të gjitha burimet, kemi rënje të hyrave në krahasim me vitin e kaluar për këtë periudhë diku 45.06% që ka ndikuar në faljen e tatimit në pronë. Projektet kapitale të planifikuara janë 4,374,710.00€, të shpenzuara janë 1,289,736.24€, ne përqindje 29.48%, dhe në fund e keni shpenzimin e buxhetit neper drejtori dhe zyra, në detaje sipas nen kodeve ekonomike.

Kryesuesja; E hap debatin, fjalën ja kaloj:

Hysni Mehani-LVV: Drejtor në këtë raporte tre muajor sa po shoh janë tërhiqe shpenzimet e drekave zyrtare nga raportimi, cila është arsyeja, së besoj kjo është çështje e rëndësishme, vitin e kaluar zyra e kryetarit për Dreka zyrtare i ka pas afër 11 mijë euro, Derivate për automjete i ka pas 11 mijë euro, Shërbime tjera 12 mijë euro, drejtor pse është e rëndësishme me i mësuf këto të dhëna, së kjo çdo herë është raportua prej së jam unë këshilltarë komunal, shohë së ka rritje të shpenzimeve tjera, si të Drutë dhe prodhimet e drurit për ngrohje, me krahasim me vitin e kaluar, a është borxh paraprak apo çfarë. Po me shume po me intereson pse drejtor po i meshefni raportimet, po ndërroni po ri-emëroni kode buxhetore sa me krijua një farë paqartësie?

Ilir Ejupi-IDEAL: Fjala përshëndetëse, Drejtor të shpenzimet për akomodim-udhëtime jashtë vendi, për cilat udhëtime behet fjalë?

Sala Jashari-E PAVARUR: Fjala përshëndetëse, të Shpenzimi i provojës së punës ku janë 124,838.46€, a mundesh me na dhënë detaje për këtë shpenzim drejtor?

Afrim Kabashi-NSD: Fjala përshëndetëse, pasi që shumica e kolegëve veç i than, drejtor për vitin 2022 në të dhënat që na ke publikuar në raportin e auditimit raporti financiar ka dalë mirë, për vitin 2023 me sa e di kemi pas auditimë, a janë audituar pasqyrat financiare dhe a e keni pranuar draft-raportin që e keni pas mbi pasqyrat financiare për vitin 2023 nëse po cilat janë rezultatet e auditimit?

Kryesuesja; Fjalën ja kaloj

Drejtori i DBF-së Ismet Aliu; Sa i përket shpenzimeve për dreka zyrtare, ka ndryshua kodi buxhetor, tani e tutje nuk quhen me shpenzime për dreka zyrtar, e tash është kodi 14310

Kompensimi i përfaqësimit brenda vendit, dhe ky kodë është krijuar nga Ministria e financave, departamenti i thesarit, dhe këto kode nuk i emërtojmë ne, dhe nuk janë rritë nëse i shikojmë me

vitet paraprake të kësaj periudhe, dhe as një shifër as një detaj nuk është mëshfë të gjitha janë të shpalosura në këtë raport. Shpenzimet për akomodim-udhëtime jashtë vendi, janë shpenzime që kanë qenë zyrtaret jashtë vendi, munden me qenë obligime edhe nga vitet paraprake po ky raport i pasqyron të gjitha shpenzimet që kanë ndodhur në këtë vite, dhe sigurisht ka obligime edhe nga vitet paraprake. Të kategoria e Përvoja e punës, ne për herë të parë e kemi specifikuar në raport, është përvoja e punës të zyrtarëve të shërbyesve civilë, dhe provoja e punës paguhet dhe e kemi nda si kod të veçantë nëse e analizojmë ajo shume hynë në pagesë bruto, janë tatimet, trusti. Raporti i auditimit për vitin 2023 është në proces ende nuk e kemi pranuar si draft, deri në javën paraprake kanë qenë në auditim zyra kombëtare e auditorit, presim shpejt te kemi draftin dhe pastaj raportin final.

Kryesuesja; Fjalën ja kaloj;

Drejtorit DKA-së, Kastriot Duraku: Fjala përshëndetëse, desha të ndërlihem të shpenzimi për dru, realisht kjo kontratë për dru është kontratë e vitit të kaluar, si në komunat tjera edhe në komunën ton çmimi i druve ka pas dyfishim të ngritjes së çmimit, është borxh i vitit të kaluar që është bart këtë vite.

Kryesuesja; Dikush tjetër, nëse nuk ka, konstatojmë me (16) vota për, (8) kundër dhe (2) abstenim përkrahët Shqyrtimi i raportit financiar tremujorë, Janar-Mars 2024, me Nr. 02-052/01-0018545/24, të datës 15.04.2024.

Vazhdojmë me piken 5 të rendit të ditës:

-Informatë lidhur me bursat për studentë, për vitin shkollor 2023/2024, nga Drejtoria e Arsimit, me Nr.07-670/01-0018899/24, të datës 16.04.2024, (Raporton);

Drejtori DKA-së, Kastriot Duraku; Para jush e keni, Informatë lidhur me bursat për studentë, për vitin shkollor 2023/2024, nga Drejtoria e Arsimit, Komuna e Skenderajt me datën 13.12.2023 ka shpallur konkurse për ndarjen e bursave për këtë konkurse janë pranuar 402 aplikacione, që është i bashkangjitur konkursi bashkë me listën e përfituesve. Komisioni pas rezultatit, ka pranuar mbi 50 ankesa, shumica e ankesave kanë qenë të përfituesve të emrave të dyfishtë, pasi që kriter ka qenë, që përfituesit të mos jenë përfitues të bursave në nivel qendrorë të MASHIT, UP, apo të ndonjë institucioni relevant të cilët shpërndajnë bursa, komisioni ka analizuar, dhe 15 student përfitues kanë qenë në listën e MASH-it, dhe me vendim janë larguar dhe përfitues përfundimtar janë 116 student të drejtimeve të ndryshme.

Kryesuesja: E hap debatin, fjalën ja kaloj;

Abdulla Gashi-IDEAL: Fjala përshëndetëse, Pyetje për drejtorin e DKA-se Kastriot Duraku: Drejtor, a ke mundësi me na sqarua çështjen e dhënies se bursave për studentet, A i keni bere vlerësimet e drejta te përfituesve te bursave? Drejtor, me çfarë vlerësimi iu keni dhënë bursa studenteve te disa familjeve te cilat janë ne gjendje te japin vet bursa e jo te jene përfitues te tyre. Siç e dimë ne, e dini edhe ju se iu keni dhënë bursa edhe dy studenteve te se njejtës familje, ajo familje është përfituese nga komuna e ju i keni shpërblye edhe me bursa. Fale ankesave te mëdha qe janë bere nga studentet, jeni mundu me reflektua dhe keni bere disa ndryshime te vogla. Sa i përket transparencës, keni 0 transparence. Merrni mësim nga komunat tjera e te jeni me transparentë! Çka është kjo liste emri, mbiemri drejtimi dhe numri total i pikëve. Shiko si duhet te jete transparenca: emri, emri i prindit, mbiemri, fakulteti, drejtimi, nota mesatare, vërtetim dhe dokumente përcjellëse, niveli i studentit, piket ne baze te kriterëve dhe numri total i pikëve. Ju lutem reflektoni! Drejtor, si ka mundësi me hy drejtoresha ne ore te mësimi me ia rrahe tavolinën mësimdhënësit para nxënësve, kjo është e turpshme? A keni ndërmarre ndonjë veprim për këtë skandal qe ka ndodhur muaj me pare ne gjimnazin "Hamez Jashari". A ka pasur ankesë nga ana e mësimdhënësit dhe nëse ka pasur a e keni shqyrtuar këtë ankesë.

Liridona Koci-PDK: Fjala përshëndetëse, e kam përcjell çështjen e bursave për student, me vjen mirë që i keni evidentuar gabimet së gjithkujt mundet me i ndodh, po mua me intereson çështja e studenteve të ankesave që u përmenden që 15 student janë larguar nga lista çka është bërë me studentet e ankesave a janë zëvendësuar dhe a mundeni ti bëni publik emrat e tyre?

Hysni Mehani-LVV: Drejtor do situata nuk mundem me i tejkalua përveç asaj çka tha Abdullahi së është veç emri dhe mbiemri, nëse po donë transparencë duhet emrin, mbiemrin, fshatin, po kjo është një mundësi me na m' shëf, po ajo çka është në letra tregon së çka është punua, ty me një kriter ti ka qitë jashtë 15 studentë, po me pas fillua me hetua edhe sipas kriterëve tjera çka kish ndodh, në anën tjetër ky nuk është lëshim teknik, ky është shkelje procedurale, mos respektim i detyrës, lëshim teknik është me qitë një pik, një presje, diçka që ndodh nga pakujdesia po ky ka qenë kriter, është papërgjegjësi e për këtë dikush është dashur me shkua në përgjegjësi e së pari është kanë dashur me shkua ti.

Naser Bajraktari-IDEAL: Fjala përshëndetëse, drejtor pse nuk i keni publikua emrat e atyre studenteve që nuk janë përfitues të bursave, dhe me cek që për këtë arsye nuk i ka plotësua kriteret?

Kryesuesja: Fjalën ja kaloj;

Drejtori DKA-së, Kastriot Duraku; Realisht zëvendësimin e 15 studenteve nuk e kemi bërë, pasi që kanë qenë 100 bursa të shpallura në konkurse, po për shkak të numrit të barabarta të pikëve ne i kemi shpërndarë 116 bursa, shumica kanë qenë drejtime të fakultetit të mjekësisë, mirëpo janë larguar 15 janë mbetur 101 student. Sa i përket të dhënave shitesë për student, se di a e keni pa listën e komunave tjera apo të MASH-it, as emri nuk i figuron veç numri i kërkesës pikët dhe fakulteti, ju nëse doni mundeni me ardhur në zyrë e me i pa për së cilin student lenden, dhe listën, vitin tjetër nëse done mundesh ma ardhur ne komision Abdulla, e me shikua qysh po ec procesi i bursave.

Kryesuesja: dikush tjetër, nëse nuk ka, konstatojmë me (17) vota për, (7) kundër dhe (1) abstenim përkrahjet Informatë lidhur me bursat për studentë, për vitin shkollor 2023/2024, nga Drejtorja e Arsimit, me Nr.07-670/01-0018899/24, të datës 16.04.2024.

Vazhdojmë me piken 6 të rendit të ditës:

-Informatë mbi gjendjen e banimit social në komunën e Skenderajt në periudhën Janar-2023, Mars-2024, me Nr.08-360/01-0019827/24, të datës 22.04.2024, (Raporton);

Drejtoresha e DShMS-së, Rrezarta Hasani-Ibrahimi; Fjala përshëndetëse, para jush është Informata mbi gjendjen e banimit social në komunën e Skenderajt në periudhën Janar-2023, Mars-2024, Komuna e Skenderajt kërkesave të qytetarëve rreth çështjeve së strehimit ju del në ndihmë në disa forma si; Banesa sociale, ndërtim të shtëpive, renovim të shtëpive dhe pagës të qeras. Komuna ka në pronësi tri objekte të banimit social me gjithsej 100 njësi të banimi. Objekti nr.1 janë të strehuar 26 familje, objekti nr.2 janë strehuar 25 familje dhe objekti nr.3 janë të strehuar 49 familje. Gjatë kësaj periudhë i kemi këto kërkesa në Banesa sociale 28 kërkesa të reja, 10 prej tyre janë vendosur në banesa pas lirimit nga shfrytëzuesi e mëparshëm. Ndërtim të shtëpive i kemi 18 kërkesa, prej tyre 2 janë përfunduar me bashkëpunim me shoqatën humanitare Bereqeti dhe Islamik Relievi Kosova. Renovim të shtëpive i kemi 35 kërkesa, prej tyre 16 prej tyre janë ndihmuar nga subvencionet e drejtorisë. Dhe pagesa me qeras kemi 15 kërkesa nga këto 7 prej tyre janë ndihmuar, si dhe 3 familje që kanë qenë raste të dhunës së familjes janë ndihmuar. Nga janari i vitit 2024 rastet me asistencë sociale kanë rënë në 692 raste. Vlen të ceket së komuna e Skenderajt është përfituese e grantit nga fondi i Kosovës për eficiencë dhe energji për renovimin e tri objekteve të banimit social vlera e përgjithshme është 700 mijë €, dhe pritet shume shpejtë të filloj.

Kryesuesja: Fjalën ja kaloj;

Ali Lutfiu-PDK: Fjala përshëndetëse, po e shohë një ndryshim të rënjes të familjeve me asistencë sociale, desha të lidhem një praktik me të lehtë të rregullimit të dokumentacioneve për asistencë

sociale, që është praktik që përmes mjekut rregullojnë dokumentet, që mjeki me përcaktua gjendjen ekonomike të familjes që janë me asistencë sociale, që për mendimin tim është një gabim, ndoshta kjo është e rregulluar me ligj po desha një sqarim, a ka mundësi që përmes një komisioni me përcaktua gjendjen ekonomike të familjes që marrin asistencë sociale, ku dihet që mjeki e përcakton gjendjen fizike të pensionit invalidor e jo kush me marr asistencë sociale.

Afrim Kabashi-NSD: Drejtoresh a ka banorë në banesa sociale që e kanë të rregulluar çështjen e banimit, ne e dimë që ka dhe ende banojnë në banesa sociale, a keni ndërmarr masa ndaj atyre banorëve?

Hysni Mehani-LVV: Drejtoresh a keni aplikua si komunë për banim të përbalueshëm, ju e dini së z.Nura nuk dojke me aplikua për thirrje që e ka pas ministria e infrastrukturës po sot i ka nënshkruar afër 500 mijë €, si mbështetje nga ministria e infrastrukturës, pra ju a keni aplikua për banim të përbalueshëm si komunë së besoj që është në kuadër të drejtorisë të juaj që e udhëheqë, edhe kjo çka po thotë z.Aliu 120 familje me pak me asistencë sociale a ka ndonjë analizë pse është kjo renje, a është përmisua gjendja ekonomike apo janë kriteret ma strikte, çka ka ndryshua?

Abdulla Gashi-IDEAL: Drejtoresh, sa i përket banesave sociale a i ke shikuar a i ke evidentuar, së ka disa familje aty e kanë të rregulluar çështjen e banimit, kanë edhe paga të majme dhe banojnë në banesa sociale, a keni ndërmarr diçka në këtë aspekt?

Kryesuesja: Fjalën ja kaloj:

Drejtoresha e DShMS-së, Rrezarta Hasani-Ibrahimi: Forma e kërkesës për asistencë sociale është përpiluar nga ministria nuk mundem me ndryshua, i kemi 9 familje të vendosura pa kontratë ju kemi dërgua vërejtje jemi munduar në mënyra të ndryshme me i largua po nuk kanë pranuar të largohen, tash në shtator skadon kontrata, dhe së cila familje ka kontratë dy vjeçare, prapë kemi me ju dërgua vërejtje, ka disa familje që e kanë liruar. Nuk kemi aplikuar së aty ka qenë kriter me ndërtua një objekt të ri të banimit social dhe ne nuk e kemi në planë një herë me ndërtua. Arsyeja e zbritjes të numrit të familjeve me asistencë sociale është për shkak të largimit nga vendi së kurrë ma keq nuk ka qenë gjendja ekonomike.

Kryesuesja: Replikë 1 min.

Hysni Mehani-LVV: Po thua së aty ka pas me ndërtua një banesë sociale, kush ka pas me ndërtua, dhe a po kupton për çka po të pyesë, për banim të përbalueshëm kush ka pas me ndërtua atë?

Kryesuesja: Fjalën ja kaloj:

Kryetari i Komunës, Fadil Nura: Sot e kemi nënshkruar një marrëveshje me ministrin e infrastrukturës, jo me thirrje, po me kërkesë, thirrjet që i bënë ministria nuk munden me kanë për bashkëpunim, e sot nënshkruam marrëveshje për ndërtimin e urave dhe një projekti të rrugëve me kërkesë.

Kryesuesja: Dikush tjetër, nëse nuk ka, Konstatojmë me (17) vota për, (9) kundër dhe (0) abstenim përkrahët Informatë mbi gjendjen e banimit social në komunën e Skenderajt në periudhën Janar-2023, Mars-2024, me Nr.08-360/01-0019827/24, të datës 22.04.2024.

Vazhdojmë me piken 7 të rendit të ditës:

-Pyetjet e këshilltarëve nën piken të ndryshme, fjalën ja kaloj:

Abdulla Gashi-IDEAL: Për pyetjen e parë kam marr përgjigje, 2.Pyetje për drejtoreshën e shëndetësisë znj. Rrezarta Ibrahimi: Drejtoreshë, a ke mundësi me u përgjigje rreth konkursit për 10 pozita infermiere në QKMF, çka ka ndodhe, pse nuk e vazhduat deri në fund procesin e konkursit, pse e keni anuluar konkursin?

Kryesuesja: Fjalën ja kaloj:

Drejtoresha e DShMS-së, Rrezarta Hasani-Ibrahimi; Konkursi që është shpallur është anuluar për arsye së kryetari i komisionit ka pas probleme shëndetësore dhe ka kërkuar pushim mjekësor dhe kanë ecur afatet, dhe shume shpejtë do te ri-shpallëm konkursi për infermierë.

Kryesuesja, Fjalën ja kaloj:

Besiana Thaçi-PDK: Fjala përshëndetëse, Kryetar, ujësjellësi në fshatin Burojë cili është plani për këtë vite kur pritet me përfundua ky projekte pasi që është edhe kërkesë e banorëve të fshatit Burojë që me përfundua sa ma shpejtë?

Kryesuesja, Fjalën ja kaloj:

Kryetari i Komunës, Fadil Nura: Është një prej projekteve që e kemi me më prioritet jemi në kontakt me kompaninë e ujësjellësit që për 90 shtëpi me ja vendos orët dhe pastaj vazhdojmë me pjesët tjera dhe besoj gjatë verës fshati Burojë ka me qenë i furnizuar me ujë.

Kryesuesja; Faleminderit, dikush tjetër, nëse nuk ka, me kaq mbyllet ky takimi, shihemi në mbledhjen tjetër.

Procesmbajtësi

